

Paerewa Paetae

Aronga	Te Reo Rangatira 3.7				
Ingoa	Te tito i te upoko pukapuka				
Kaupae	3	Whiwhinga	6	Aromatawai	Ā-roto
Marau akoranga	Te Marautanga o Aotearoa				
Kokonga akoranga	Te Reo Rangatira				
Mana rēhita	Kua rēhitatia	Te rā i mana ai	19 Whiringa-ā-rangi 2015		
Te rā e arotakengia ai	31 Hakihea 2020	Te rā i puta ai	19 Whiringa-ā-rangi 2015		

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Tā, Āheinga Reo

- 1 *Ka mau ā-tuhi, ā-tānga hoki ngā whakatakotoranga me ngā āhuatanga o ngā momo reo tuhi maha.*
- 2 *Ka kitea te hōhonutanga o te whakaaro me te hihiri ki te kaupapa i roto i āna tuhinga, ā, ka whaihua te nuinga o āna tuhinga.*

ā-Tā, Puna Reo

- 3 *Ka tino mārama āna tuhinga i te hāngai pū o ngā kupu, o ngā kōrero peha, o te whakatakoto kupu ki te kaupapa.*

E hono ana ki te Papa Whakaako mō Te Reo Māori kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

Paetae Te tito i te upoko pukapuka	Hei tohu i te paetae: <ul style="list-style-type: none"> • Ka māherehere i ngā whāinga matua, i te tāhū, i ngā kiripuaki, i te aha, i te aha hei titonga pukapuka. • Ka tuhituhi i tētahi upoko o te pukapuka e kitea ai te whāinga matua me tuahangata rānei, me tuawahine rānei
Kaiaka He kaiaka te tito i te upoko pukapuka.	Hei tohu i te kaiaka: <ul style="list-style-type: none"> • Ka āta māherehere i ngā whāinga matua, i te tāhū, i ngā kiripuaki, i te aha, i te aha, me te pai o te hono i ia wāhanga o te pukapuka. • Ka āta tuhituhi i tētahi upoko o te pukapuka e hiki ai ngā kiripuaki me te taiao i te whāinga matua. • Ka āta kitea te hanga tuhituhi.
Kairangi He kairangi te tito i te upoko pukapuka.	Hei tohu i te kairangi: <ul style="list-style-type: none"> • Ka āta whakaaro ki te hunga pānui i te wā e māherehere ana i te pukapuka. • Ka tino hiahia te kaipānui ki ngā upoko kē atu nā te nanakia o te upoko ka tuhia. • Ka hāngai te hanga tuhituhi ki te whāinga matua o te pukapuka me te hunga pānui e koroa ana. • Ka whakawāwā i te tukanga titotito e puta ai te tuhinga whakamutunga.

Kōrero Āpiti

1 E whai ake nei ngā whakamārama o ngā tino kupu, kīanga rānei:

whāinga matua	Ko ngā tino kaupapa o te tuhinga me ngā whakatau a te kaitito.
tāhū	Ko te raupapa mahi.
tuahangata/tuawahine	Ko te kiripuaki matua o te tuhinga.
hangā tuhituhi	Ko ngā hangā e tautuhia ai te momo tuhinga.
nanakia	Ko te rerekē me te rawe anō o te anga atu ki te kaupapa.
matapae	Ka whakapae i ngā mea ka eke, ka pā.
koroa	E whāia ana, e wawatatia ana.
whakawāwā	Ka whakatau i te pai rānei, i te kino rānei o tētahi mea. Me whakaaro hoki ki ngā kōrero taupatupatu.

Kuputaka:

hangā tuhituhi	writing features
kiripuaki	character
koroa	be intended
matapae	predict
nanakia	unconventional, clever
tāhū	plot
tuahangata/tuawahine	protagonist
whakawāwā	judge, evaluate

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233